

FEDERAZIO LIZENTZIEN ARAUDIA



Arraunketako Euskal Federakuntza
Federación Vasca de Remo

www.arrauna.eu

FEDERAZIO LIZENTZIEN ARAUDIA

1. ARTIKULUA

Arraunketako Euskal Federakuntzako federazio lizentzien izapideak eta igorpena Estatutuetan, Araudi honetan eta indarrean dagoen araudian aurreikusten denarekin egokituko da.

2. ARTIKULUA

1. Federazio lizentzia pertsonala eta besterezina da, bere titularrari Arraunketako Euskal Federakuntzako eta izapideen arabera dagokion lurraldeko kide egoera ematen dio. Txapelketa ofizialetan parte hartzeko ahalduz du, haiek kasu bakoitzean arautzen duten araudia kontuan hartuta.
2. Federazio lizentzia bakarra izango da eta bere titularrarentzat adskripzio bikoitza ekarriko du, alegia Arraunketako Euskal Federakuntzarekin eta dagokion lurralde federazioarekin.
3. Arraunketako Euskal Federakuntzak igorritako lizentziek bere partaideak goragoko mailako txapelketa ofizialetan parte hartzeko gaituko ditu, dagokion araudian xedatutako kasuetan eta baldintzetan.

3. ARTIKULUA

1. Arraunketako Euskal Federakuntza, Euskadiko Autonomia Erkidegoan bere kirol modalitateari dagozkion federazio lizentzia guztiak igortzeko eskumena duen erakunde bakarra da.
2. Arraunketako lurralde federazioak federazio lizentzia horiek bideratzeko eskumeneko erakunde bakarrak dira, eta horretarako ondorengo funtzioak betetzen dituzte:
 - a) Federatu nahi duen orori federazio lizentzien eskakizunen eta ondorioen inguruan informatzea.
 - b) Lizentzia eskariak, bideratzeko arduraren bere gain hartuko duen klub afiliatu baten bidez aurkeztuko dira.
 - c) Arraunketako Euskal Federakuntzari Lizentzien zenbateko osoa kobratzea eta zenbateko hori likidatzea, araudi honetan xedatuari jarraiki.
3. Lurralde federazioekin lotutako federazio lizentzien izapideak, gehienez 3 egun naturalen epean amaitu beharko dira, behar bezala formalizatutako bere eskaeraren datarekiko hurrengo egunetik aurrera. Bideratutako lizentzien igorpenarekin batera, lurralde federazioek Arraunketako Euskal Federakuntzari dagozkien kuoten likidazioen zenbatekoa ordaindu beharko diote, likidazioa beste prozedura baten bidez adosten denean izan ezik.

Arraunlari, patroik edo lemazainen afiliazioa kirol klub edo erakunde baten bidez egingo da eta honek egingo dio eskaera Arraunketako Euskal Federakuntzari, dagokion Lurralde Federazioak hura bideratzen duenean.

Beste autonomia erkidego batzuetatik datozen kirolariek Arraunketako Euskal Federakuntzari dagokion federazio lizentzia eskatu ahal izango diote, betiere eskaria urte bakoitzeko uztailaren 15a baino lehen egiten denean.
4. Arraunketako Euskal Federakuntza behartuta dago igortzera, edo ukatzera bere kasuan, dagozkion federazio lizentziak, gehienez astebeteko epean, behar bezala formalizatutako bere eskaerarekiko hurrengo egunetik kontaktzen hasita.
5. Interesdunak federazio lizentziaren igorpena eskatu ondoren Arraunketako Euskal Federakuntzak bere emakida edo ukapena aurreko atalean ezarritako epean espresuki jakinarazten ez badu, ematea onartu dela ulertuko da.
6. Federazio lizentziaren ukapena, edozein kasutan, arrazoitu egin beharko da.
7. Izapideak ukatuak izaten badira, errekurtsioa aurkeztu ahal izango da F.V.R./A.E.F.-an 3 eguneko epean, beste 3ren buruan ebazpena emanez. Lizentziaren igorpena ukatzen denean, errekurtsioa aurkeztu ahal izango da Kirol Justiziaren Euskadiko Batzordearen aurrean, 5 egunen buruan, ukapen horiek betiere arrazoituak izatea zainduz.

4. ARTIKULUA

Federazio lizentziaren igorpenak izaera arautua izango du; bere igorpena ezin izango da ukatu eskatzaileak hura eskuratzeko beharrezko baldintzak betetzen dituenean.

5. ARTIKULUA

Arraunketako Euskal Federakuntzako estamentuetako kideek, gutxienez federazio lizentziatik eratorritako ondorengo eskubideak izango dituzte:

- a) Horri dagokionez aplikagarria den araudian ezarritako forman, baldintzetan eta proportzioan ordezkari izatea eta federazio organoetako partaide izatea.
- b) Arraunketako Euskal Federakuntzak antolatzen dituen jarduera guztietan parte hartzea, jarduera horiek arautzeko ezartzen diren arauak kontuan hartuta.
- c) Arraunketako Euskal Federakuntzaren eta dagokien lurralde federazioaren inguruan eskatzen den adina informazio jasotzea, indarrean dagoen legedian aurreikusitako terminoen arabera.
- d) Eskumeneko federazio organoetara jotzea federazio arauen konplimendua presatzeko.
- e) Egokitzat jotzen diren kontsultak eta erreklamazioak Arraunketako Euskal Federakuntzako arauen arabera aurkeztea.
- f) Federazio lizentziaren dokumentu egiaztatzea aurkeztea.

6. ARTIKULUA

Federazio estamentuetako kideek, Estatutuetan eta Arraunketako Euskal Federakuntzako Araudietan ezarrita daudenez gainera, ondorengo obligazioak bete beharko dituzte:

- a) Ezartzen diren kuotak ordaintzea.
- b) Federazio organoak ontzat emandako hitzarmen guztiak betetzea, betiere eskumeneko organoak horiek ezeztatu edo baliogabetu ez dituenean.
- c) Arraunketako Euskal Federakuntzaren eta dagokion lurralde federazioaren helburuak lortzeko modu aktiboan kolaboratzea.
- d) Bere kasuan betetzen dituzten karguekin lotutako obligazioak leialtasunez betetzea.
- e) Euskadiko eta lurralde selekzioen deialdietara joatea, kirol txapelketetan parte hartzeko edo horiek prestatzeko.
- f) Lizentziak izapidetzeko Arraunketako Euskal Federakuntzari egin beharreko ordainketa guztiak egunean izatea.

7. ARTIKULUA

1. Federazio-lizentzia urtebetekoa izango da, eta kirol-denboraldi bati dagokio; denboraldia urtarrilaren 1etik abenduaren 31ra bitartekoa izango da.

Klub batek beste bati kirol denboraldian zehar komeni zaion arraunlariren bat edo gehiago eman ahal dizkio, denboraldi horretan gehienez emakida bat egin ahal izanik. Emakida hori onargarria izan dadin, ezinbestekoa izango da emandako arraunlaria edo arraunlariak klub lagapen-hartzailean 8 (zortzi) eguneko aurrerapenarekin alta ematea, lehiatutako azken modalitatea eta oraingoa berdina izaten direnean; edota 4 (lau) eguneko aurrerapenarekin, lehiatutako azken modalitatea eta oraingoa ezberdinak izaten direnean, klub berriarekin lehiatuko duten lehenengo estropadan. Emakida hau indarrean dagoen denboraldia amaitu arte aintzat hartuko da, horrela, bien bitartean, emana izandakoa ezin izango da beste klub batean alta eman, baina klub lagatzailerak itzuli ahal izango da, hala eskatzen bada, irailean Kontxako estropadako azken jardunaldia amaitzen denetik aurrera. Emakida bat egitean, hau estropada bakoitzean akreditatu egin beharko da, federazio lizentziarekin batera erakutsi beharko den uneko emakida dokumentuarekin.

Arraunlari bakar batek ere ezin izango du txapelketetan bi klub baino gehiagoren alde parte hartu, denboraldi berdinen garapenean, emakidagatik edo jatorrizko klubak emandako askatasunagatik.

2. Arraunketako Euskal Federakuntzaren Batzorde Nagusiak, bere kasuan, kirol denboraldi baten azpitik dagoen iraupeneko federazio lizentzien modalitateak ezarri ahal izango ditu, baina kasu horretan bere titularrek ez dituzte hauteskunde eskubideak erabili ahal izango.

8. ARTIKULUA

Arraunlariak ondorengo kategorietan sailkatzen dira:

1. HAURRAK . : 13 urte beteko dituzten urteko urtarrilaren 1etik 14 urte beteko dituzten abenduaren 31ra arte.
2. KADETE ... : 15 urte beteko dituzten urteko urtarrilaren 1etik 16 urte beteko dituzten abenduaren 31ra arte.
3. JUBENILA... : 17 urte beteko dituzten urteko urtarrilaren 1etik 18 urte beteko dituzten abenduaren 31ra arte.
4. SENIOR ... : Arraunlari guztiak barne hartzen ditu, 19 urte beteko dituzten urteko urtarrilaren 1etik aurrera.
5. BETERANOA: 30 urte beteko dituzten urteko urtarrilaren 1etik aurrerako arraunlari guztiak barne hartzen ditu; horrek ez du eragotziko arraunlari beterano batek senior lizentzia eskuratu ahal izatea.

Taldean lehiatzeko azken urtea, kategoriako adin mugari dagozkion urteak betetzean erabakiko da.

Lemazainari ez zaio adin irizpide hori aplikatuko eta tripulazioaren batez besterako ez da kontuan hartuko. Partaide bakoitza bere osasun eta egoera fisiko propioaz arduratuko da. Txapelketa bakoitzean parte hartzeko kategoria (senior edo beteranoa) hautatu ahal izango dute.

Haurrak kategoriaren azpitik dauden haietan, lurralde federazioek antolatzen dituzten eskola adineko txapelketetarako dagozkion kirol agintarien baimenak zainduko dira.

9. ARTIKULUA

1. Arraunketako Euskal Federakuntzako Batzordeak, urtero, federazio lizentziak bideratzeagatik eta igortzeagatik ordaindu beharko diren kuotak erabakiko ditu. Erabaki hori kirol denboraldia hasi baino lehen hartu beharko da.
2. Federazio lizentzien kuotak lizentziaren dokumentuan banakatuta islatu beharko diren ondorengo kontzeptuekin osatuta egongo dira:
 - a) Osasun asistentziarako derrigorrezko aseguruaren kuota, titularraren osasun arriskuak, erantzukizun zibila eta heriotza hala nola galera anatomikoa eta funtzionala bezalako arloetako kalte-ordainak estaltzen dituena.
 - b) Euskadiko Federazioaren egitura eta funtzionamendua finantzatzera bideratutako kuota.
 - c) Lurralde federazioaren egitura eta funtzionamendua finantzatzera bideratutako kuota.
 - d) Kuota, bere kasuan, goragoko lurralde esparruko txapelketetan edo jarduera ofizialetan parte hartzeko.
3. Arraunketako Euskadiko eta Lurralde Federakuntzek lizentzia bakoitzaren zenbateko garbia Euskadiko Federazioaren Batzorde Nagusiak onartutako terminoetan banatuko dute. Zenbateko garbi hori, zenbateko gordina, aurreko ataleko a) eta d) hizkietan ezarritako zenbatekoak murriztearen ondorioz ezarriko da. Inolako kasutan, lurralde federazioek edo Euskadiko Federazioak jasoko duten kopurua ez da arestian aipatutako zenbateko garbiaren % 50ren azpitik ezarriko.
4. Euskadiko Federazioak eta Arraunketako Lurralde Federakuntzek bere federatuen eskutik borondatezko kuota gehigarri bat jaso ahal izango dute, federazio horietako zerbitzuak eta jarduerak finantzatzeko.

10. ARTIKULUA

1. Arraunketako Euskal Federakuntza, indarrean dagoen legediaren arabera derrigorrezko arriskuen estaldurak bermatzen dituzten aseguru kolektiboak kontratatzeke eskumena duen bakarra izango da.
2. Aseguru horien kontratazio epea urtebetekoa izango da eta kirol denboraldi osorako estaldura eskainiko du.
3. Federazio lizenziek aseguru bat ekarriko dute berekin. Aseguru horrek honako arrisku hauen estaldura bermatuko du:
 - a) Erantzukizun zibila
 - b) Galera autonomikoen edo funtzionalen edo heriotza kasuen kalte-ordainak.
4. Lizenzien titularrek lege honetan araututako kirol-lehiaketetan parte hartzearen edo horien entrenamenduen ondorioz jasotako osasun-laguntza dagokion osasun-sistema publikoaren ohiko prestazioa da, baldin eta ez badute beste aseguru baten bidez estalitako osasun-kontingentzietarako prestaziorik.
5. Kirolari horiek Estatuko edo nazioarteko lehiaketa ofizialetan parte hartzeari lotutako osasun-laguntzaren aseguramendua dagokion Estatuko edo nazioarteko araudian ezarritakoa izango da.
6. Aurreko atalen arabera Arraunketako Euskal Federakuntzak kontratatutako derrigorrezko aseguruaren estaldurak berdinak izango dira pertsona fisikoen federazio lizenzia guztietarako, kasu bakoitzean dagokion lurralde federazioaren bereizketa alde batera utzita.
7. Arraunketako Euskal Federakuntzak, kirol denboraldi bakoitzaren hasieran, Eusko Jaurlaritzako Kirolen Zuzendaritzara edo honen ordezkari erakundera, bere ezagutzarako eta dagozkion xedetarako, adostuko liratekeen polizen erlazioa eta horien baldintzen kopia igorriko du, zeinetan bermatu diren estaldurak eta prestazioak zehaztuko diren.

11. ARTIKULUA

1. Federazio lizenziaren dokumentua elebiduna izango da, eta Euskadiko Autonomia Erkidegoko hizkuntza ofizial biak berdintasunez erabiliko dira.
2. Federazio lizenziaren dokumentuaren edukia ondorengoak izango da:
 - a) Arraunketako Euskal Federakuntza federazio igorle modura identifikatzea.
 - b) Lizenzia bideratuko zukeen lurralde federazioaren identifikazioa.
 - c) Lizenziaren iraupena.
 - d) Pertsona edo klub titularren izena eta abizenak.
 - e) Pertsona fisiko titularren jaiotza-data.
 - f) Pertsona fisiko titularri dagokion kirol klub edo taldea.
 - g) Pertsona fisiko titularren kategoria.
 - h) Arraunketako Euskal Federakuntzako Presidentearen edo honek espresuki eskuordetzen duen pertsonaren sinadura.
 - i) Euskadiko Federazioaren zigilua.
 - j) Derrigorrezko aseguruaren kuota.
 - k) Euskadiko Federaziora bideratutako kuota.
 - l) Lurralde federaziora bideratutako kuota.
 - m) Kuota, bere kasuan, lurralde esparru goreneko txapelketetan edo jardueretan parte hartzeko.

12. ARTIKULUA

Pertsona berdinak kirol diziplina ezberdinen arabera federazio lizenziak erabili ahal izango ditu, Batzorde Nagusiak kirol diziplinen arabera lizenzia ezberdinen existentzia egiaztatzen badu.

Inolako kasutan ez da onartuko pertsona berdinak Lurralde Historiko bat baino gehiagotan kirol modalitate edo diziplina eta estamentu berdinetako lizenziak erabiltzea.

13. ARTIKULUA

Beste autonomia erkidego batetik datorren edozein pertsonak bertan emandako lizentzia erabiltzen duenak, Euskadiko Federazioek hura bideratu eta ondoren igorri dezaten, jatorrizko autonomia erkidegoan aipatutako lizenziaren baja edo ezeztapena akreditatu egin beharko du.

14. ARTIKULUA

Arraunketako Euskadiko Federakuntzako Batzorde Nagusiak federazio lizentzia eskuratzeko orduan, dagokion gaitasuna bermatzeko osasun azterketa egiaztatze beharra aginduko du, indarrean dagoen araudiaren arabera.

*IMANOL GARMENDIA MAIZ
PRESIDENTEA*

*.JOSEMARI DE DIEGO TORRES
IDAZKARIA*

